

中國方志叢書·華中地方·第二一五號


據

清·王瑞成修，張濬等纂
清光緒二十八年刊本

影印

浙江省

寧海縣志



成文出版社有限公司印行



10103082

中國方志叢書·華中地方·第二一五號

據

清·王瑞成修，張濬等纂
清光緒二十八年刊本

影印

浙江省

寧海縣志



成文出版社有限公司印行



10103081

中國方志叢書·華中地方·第二一五號

據


清·王瑞成修，張濬等纂
清光緒二十八年刊本

影印

浙江省

寧海縣志

成文出版社有限公司印行



10103080

中國方志叢書·華中地方·第二一五號


據

清·王瑞成修，張潛等纂
清光緒二十八年刊本

影印

浙江省

寧海縣志



成文出版社有限公司印行



10103079

歸國
生機

序

自封建罷而爲郡縣爲民牧者畫疆以治分民以理則凡山川風土吏治民生無一不關紀載此邑之所以有志也甯海治稱疲難而山環水繞代毓聞人如葉信國祖孫方濟甯父子暨葉良仲鄭好義諸名宿其宦業政聲英風偉略固已彪炳史冊卓越人寰宰斯土者靡不慨慕深焉矣光緒庚寅瑞成承乏茲邑甫入境見其俗尙儉樸民物阜時而接見士大夫亦復雍雍然有禮讓風心竊喜之是年適

朝廷續修

大清會典奉文重修縣志詢之紳耆知同治間周令祖升
王令燿斌相繼修輯以窘於經費中輟第方志爲掌故攸
關今失修閱二百餘年之久文獻無徵鄙人與有責焉昔
晦翁守南康下車先訪志書蓋以地方之禮樂刑政貢賦
戶口凡有關於治理者可藉是以資攷鏡志顧不重乎哉
爰邀邑紳王中翰榮夔王外翰鉅韶綜其事捐俸設局延
請老成宿儒司纂總而縣大夫之博雅者亦與焉始事於
壬辰春告成於癸巳冬凡分門以提其綱者一十有二分
目以比其類者六十有八分卷以序其次者二十有四要
皆井井有條務歸實錄而一切野史之譌訛家乘之沿謬

鑒別維謹不敢攔入於義例可謂弗畔矣

瑞成

頻年簿書

久荒筆硯原無當於文字之役幸諸君子共勲厥成斯則鄙人所竊喜也尤願後之蒞是邦者未及百年而續修庶無佚文闕典之處此又前宰官所深望也夫光緒癸巳孟冬之月知甯海縣事江甯王瑞成謹序

卷之四

卷之八

重修甯海縣志序

甯邑距郡城百八十里東北際大海南幹諸山蜿蜒相屬
實發脈於天台其間水深土厚民俗樸魯先賢自方正學
外它如葉西澗舒閬風胡梅磻劉樗園諸先生悉焜耀史
冊俾後來有所矜式唯轄地石田太半率犖犖不可治民
艱衣食無知者遂習爲椎埋昌羽而莫知所警有司治之
急則相率而入於海蓋自同治丁戊間以迄於今民風不
靖剽掠之事往往而有以是號稱難治焉啟泰於去年冬
月承乏斯邑下車伊始偵一二莠民盡法懲治之時閱數
旬宵小屏跡公事餘閒偕邑之士大夫雍容揖讓相與修

古鄉射燕饗之禮不禁起而歎曰有是哉性無有不善水
無有不下古人豈欺余哉余甚幸邑人士之不余棄而余
之惓惓於斯邑者亦正未有已也今行有日矣邑人士以
新修縣志乞序於余余維邑之有志義主勸懲凡大建置
之興廢戶口之增減風俗之盛衰以及關津之險隘官司
之政績胥於是乎觀焉辭貴精確而詳明近臨川李小湖
先生序崇明縣志謂武功康志朝邑韓志雖高簡而無裨
文獻其所見者大也考邑志明正德間創之邑令戴顯重
修於萬厯壬辰逮

國朝康熙甲寅而後屢有賡續至

今上之十有八年王君瑞成奉檄重修未竟厥緒前郡守
宜賓趙公命前邑令柳君商賢潤色之遂以成書後之覽
者倘知所勸懲膠庠之士束身修行將經濟學問上與方
正學葉西澗諸公後先媲美而窮檐小民亦皆耕田鑿井
鼓腹嬉遊一祛剽悍輕狡之習以洩山海鍾毓之靈豈不
懿與豈不懿與光緒辛丑年八月權知甯海縣事上元孫
啟泰序



重修甯海縣志序

嘗讀史知葉公夢鼎之孤忠亮節胡公三省之經濟文章
葉公伯巨葉公兌之直言極諫巍然奇操焜耀汗青迥非
尋常所可倫比迨正學方先生出忠義之氣益充塞宇宙
至今婦人孺子亦若親見其事親聞其聲忠烈之感人固
如是也之數公者皆甯海人甯爲台屬晉分章安地置縣
居蒼嶺赤城之東北山有天門磨注之雄水有廣渡浮溪
之秀其鍾孕特厚是以代產偉人宋明兩朝尤盛地靈人
傑不信然歟雲驥以辛丑夏自太平捧檄調攝此邦問俗
採風徵文考獻乃守土者之責也八月杪抵任與邑之耆